

ԱՐՁԱՆԱԳՐՈՒԹՅՈՒՆ

2025 թվականի օգոստոսի 28-ին ժամը 10:30-ին, ՀՀ Արարատի մարզի Արարատ համայնքի Ավշար բնակավայրի վարչական շենքի տարածքում տեղի ունեցավ հանրային լսում: Օրակարգում՝ «**Օրիենթ Սթոն**» ՍՊ ընկերության կողմից օգտակար հանածոների արդյունահանման նպատակով ՀՀ Արարատի մարզի Արարատի տրավերտինների և կավերի հանքավայրի Մուլտի Գրուպ առանձնացված տեղամասում նախատեսվող աշխատանքների վերաբերյալ 1-ին հանրային քննարկումը:

Հանրային քննարկման ընթացում, որը տեսաձայնագրվում էր մուտքի խոսքով հանդես եկավ ՀՀ Արարատի մարզի Արարատ համայնքի ղեկավարի տեղակալ Կարեն Քենդրջյանը, ապա խոսքը տրամադրվեց «Օրիենթ Սթոն» ՍՊ ընկերության ներկայացուցիչ Գ. Հակոբյանին:

Ընկերության ներկայացուցիչ Գ. Հակոբյանը տեղեկացրեց, որ 1-ին հանրային քննարկման 2-րդ անգամ իրականացման համար պատճառ է հանդիսացել շրջակա միջավայրի վրա ազդեցության և գնահատման փորձաքննական գործընթացում փորձագետի կողմից օրենքով սահմանված և նախարարի հրամանով երկարաձգված ժամկետի խախտմամբ և առանց հիմնավորման (հաշվի չի առնվել համապատասխան վկայագրերով փորձագիտական խմբի դաշտային ուսումնասիրության արդյունքները և եզրակացությունը կապված ՀՀ Կարմիր գրքում ներառված կենդանական և բուսական աշխարհի ներկայացուցիչների առկայության հետ) փորձաքննական բացասական եզրակացության տրամադրումը, ինչի պատճառով չի ապահովվել փորձաքննական գործընթացի լիարժեքությունը:

Ընկերության ներկայացուցիչ Գ. Հակոբյանը հանգամանալից ներկայացրեց լսումների և դրա հետագա ՇՄԱԳ փորձաքննական գործընթացի ընթացակարգը, առաջնային ուշադրություն դարձնելով շահագործման ընթացքում փոշու ցրման, սանիտարական գոտու հեռավորությանը, առկա ճանապարհների վերանորոգմանը, դրանց շահագործման արդյունքում առաջացած փոշու դեմ պայքարի և սոցիալական ծրագրերի մասնակցությանը: Շեշտվեց, որ հանքավայրը գտնվում է առավելապես հեռու բնակելի հատվածից և օրենսդրությամբ սահմանված սանիտարական գոտու հեռավորությունը պահպանված է:

Արարատի մարզի Արարատ համայնքի ղեկավարի տեղակալ Կարեն Քենդրջյանը հայտնեց համայնքի դիրքորոշումը և մոտեցումները համայնքի սոցիալական հարցերի, հողի վարձակալության վճարների, համայնքի այլ օժանդակության, ինչպես նաև բնապահպանական միջոցառումների հետ կապված հարցերի հետ:

Ընկերության ներկայացուցիչը պատասխանեց լսումների մասնակիցների կողմից բարձրացված հարցերին: Հայտնելով, որ այդ բոլոր պահանջները ընկերության կողմից ընդունելի են: Ընկերության ներկայացուցիչը հայտնեց, որ կազմակերպությունը ունի սեփական գործարան, որտեղ արդյունահանված հանքաքարը վերածվում է վերջնական արտադրանքի, որոնց զգալի քանակը արտահանվում է, դրանով նպաստելով Հայաստանի տնտեսության զարգացմանը և դրամի արժեքի կայունացմանը:

Եղավ նաև մտքերի այլ փոխանակություն:

ՀՀ Արարատի մարզի Արարատ համայնքի ղեկավարի տեղակալ Կարեն Քենդրջյանը հայտնեց, որ ելնելով վերոգրյալից ազդագիր բնակավայրի լսումների ընթացքում հնչած կարծիքը կքննարկվի և նախնական համաձայնության դեպքում՝ «Օրիենթ Սթոն» ՍՊԸ-ի կողմից ներկայացված ՀՀ Արարատի մարզի Արարատի տրավերտինների և կավերի հանքավայրի Մուլտի Գրուպ առանձնացված տեղամասում կատարվելիք օգտակար հանածոյի արդյունահանման աշխատանքների իրականացնելու վերաբերյալ կտրվի նախնական համաձայնություն՝ ավագանու որոշման արդյունքում:

Համայնքի ղեկավարի պարտականությունները կատարող

Կ. Քենդրջյան

«Օրիենթ Սթոն» ՍՊԸ-ի

ՏՆՕՐԵՆ՝

Գ. Ենգիբարյան

